



**Երիտասարդ Պատմագետների Ասոցիացիա ՀԿ -ի  
EduArmenia նախաձեռնություն**

**Ուսուցիչների պետական պարտադիր  
վերապատրաստման  
դասընթաց 2022**

**Ջետազոտական աշխատանք**

**Թեմա՝ Ինչպես ներառել դասապրոցեսի մեջ գերակտիվ  
և բարդ դաստիարակվող երեխաներին**

**Ջետազոտող ուսուցիչ՝ Նաիրա Նազարյան  
Դպրոց Նիկոլ Աղբալյանի անվան հ.19 դպրոց**

Երջան 2022

## Բովանդակություն

1.Ներածություն.....	3
2.Գլուխ 1.....	
.....	4
3.Գլուխ 2.....	
.....	6
4.Եզրակացություն.....	
.....	14
5.Գրականության ցանկ.....	
.....	15

## Ներածություն Յետազոտող ուսուցիչ

Ես Նաիրա Նազարյանն եմ: Աշխատում եմ Նիկոլ Աղբալյանի անվան հ.19 դպրոցում: Դասավանդում եմ կերպարվեստ առարկան: Ունեմ 24 տարվա մանկավարժական փորձ: Այդ տարիների ընթացքում բախվել եմ շատ խնդիրների: Յետազոտել եմ իմ ունեցած խնդիրները, փորձել եմ վերլուծել, գտնել սխալները և դրանց լուծման ճանապարհները, մեթոդները, որոնք աստիճանաբար արդյունավետ են բերել:

Սկզբից եղել են դասապրոցեսի հետ կապված դժվարություններ: Իհարկե, փորձի պակասը սկզբնական շրջանում բարդացնում էր դասի լիարժեք արդյունավետ անցկացումը:

Աշխատելով, փորձելով, կիրառելով մեթոդներ՝ կամաց-կամաց գտա ելքը: Նաև նպաստեց այն, որ շատ կարդում էի տարբեր մեթոդիստների ձեռնարկներ, որոնցից էլ օգտվում էի: Այժմ ունեմ բավականին փորձ ու հեշտ եմ հաղթահարում ցանկացած մարտահրավեր:

Ամեն մի նոր սերունդ բերում է իր հետ նոր մոտեցումներ, և մենք էլ նոր մեթոդներ պետք է կիրառենք, որ արդյունավետ լինի աճող սերնդի դաստիարակությունը և կրթությունը:

Յետազոտող ուսուցիչը պետք է լինի ստեղծագործող և նոր մեթոդներ կիրառող, որը ստանում է լիարժեք դրական վերջնարդյունք:

Իմ հետազոտության թեմայի խնդիրն է, ինչպես ներառել գերակտիվ երեխաներին դասապրոցեսի մեջ: Ինչ մեթոդներ կիրառել, որոնք թույլ կտան պարզելու իրավիճակը:

Խնդրի ակնկալվող լուծումը կլինի դասապրոցեսին լիարժեք մասնակից դարձնել գերակտիվ երեխաներին:

## Գլուխ 1

Ուսուցիչը պետք է ունենա մի քանի չափանիշ՝ արդյունավետ դասավանդում իրականացնելու համար.

- Առարկայի իմացություն
- Դասավանդման պրակտիկա
- Ինքնագարգացում
- Ունակ լինի աջակցել աշակերտին
- Կարողանա զննել, ուսումնասիրել

Արտադասարանական մեթոդների կիրառումը թույլ է տալիս պարզելու, թե ինչ խնդիրներ կան և որ մեթոդը կիրառել տվյալ իրավիճակում: Կան գործոններ, որոնք խոչընդոտում են դասավանդման արդյունավետությունն բարձրացմանը: Օրինակ՝

- Եթե կա կարգապահական խնդիր
- Եթե չկա ուսուցիչ – աշակերտ - ծնող կապը
- Եթե դասարանում չկա թեկուզ և մեկ չինտեգրված աշակերտ
- Բարդ դաստիարակվող երեխաներ
- Բուլինգի դեպքեր

Դասավանդման պրոցեսում ինձ համար լարված իրավիճակ են ստեղծում գերակտիվ և բարդ դաստարակվող երեխաները, որոնք խոչընդոտում են դասավանդման արդյունավետության բարձրացմանը:

Ես ինձ համար գտել եմ մեթոդներ լուծելու այդ խնդիրները, որով և ուզում եմ կիսվել: Իհարկե, ինձ օգնել է իմ տարիների փորձը և մասնագիտական գրականությունը:

**Նպատակ և խնդիրներ:** Դժվար դաստիարակվող և բարդ խնդիրներ ունեցող սաների հետ աշխատելը ունի հետևողական շատ բարդ ճանապարհ: Պետք է ցուցաբերել անհատական, տարբերակվող մոտեցում, և այդ գործընթացը մեկ օրում լուծվող հարց չէ:

Ինչ մեթոդներ պետք է կիրառել բարդ և դժվար դաստարակվող երեխաների համար, որպեսզի հեշտ ներգրավվեն դասապրոցեսին և չխանգարեն մյուս աշակերտներին.

- ✓ Մոտիվացիա

✓ Աշխարհայացք

✓ Ստեղծագործական աշխատանք

Աշակերտներ կան, որոնք սիրում են ազատ քայլել դասապրոցեսի ժամանակ, խոսել, վերցնել ուրիշի իրերը, խանգարել դասը:

Խորհրդակցելով փորձառու ուսուցիչների հետ՝ հասկացա, որ կան մեթոդներ, որոնք շատ արդյունավետ են:

Քայլեր:

❖ Երեխայի հետ պետք է խոսել հարգանքով, լինել նրբանկատ, չվիրավորել անձը և արժանապատվությունը, ինքնասիրությունը:

❖ Ձևավորել ներողամտություն, հանդուրժողականություն

❖ Որոշ դեպքերում ընդունել աշակերտի տեսակետը

❖ Աջակցել, քաջալերել, քննարկել, թե ինչպես կարելի է խուսափել կոնֆլիկտներից:

Երեխաներն ուշադիր են և ակտիվ, երբ նրանց հետ խոսում են անկանխատեսելի հնարքների լեզվով ու դիպուկ, վառվռուն հարցերով, այսինքն՝ խոսել արվեստի լեզվով: Յետևաբար պետք է կիրառել հնարքներ քննարկվող առարկան ճիշտ լուսաբանելու համար:

Այս հետազոտական աշխատանքի նպատակն է բացահայտել և գտնել ուսուցման պրոցեսում հանդիպած դժվարությունները, գտնել լուծումները, մեթոդները և բարելավել իմ և աշակերտների կարողականությունը և վերջնարդյունքը:

Խնդրի լուծումը կլինի գերակտիվ երեխայի լիարժեք ներգրավվածությունը դասապրոցեսում:

## Գլուխ 2

21-րդ դարի դպրոցներում պետք է կիրառել դաստիարակության նոր մեթոդներ: Բարձրացնել ուսուցչի դերը և գործունեությունը: Այլ կերպ ասած՝ ուսուցչի դերի վերածնունդ:

Հասարակական կյանքի բարդ ցնցումները՝ բնական աղետները, պատերազմները և ընտանեկան խնդիրները նոր տեսակի շեղումներ են ի հայտ բերում ինչպես վարքի, ագրեսիվության, այնպես էլ գերակտիվության, որը դարձել է իմ հետազոտության առարկան:

Մենք՝ ուսուցիչներս շփվում ենք տարբեր երեխաների հետ կյանքի ամենալավ, լուսավոր, կարևոր ժամանակահատվածի հետ, որի անունն է մանկություն: Այս ժամանակաշրջանում է, որ անձը ձևավորվում է որպես անհատ, որը հետագայում ունենում է ձեռքբերումներ կամ, ցավոք սրտի անհաջողություններ, սխալ հասկացված լինելուց երեխաներ կան, որոնք բարդույթավորվում, պարփակվում են իրենց կաղապարի մեջ: Սոցիալական վիճակից կաշկանդվում, միգուցե նաև ագրեսիվանում, չարանում աշխարհի հանդեպ: Ուսուցչների առաքելությունն է ուսումնասիրել, ճանաչել յուրաքանչյուր երեխայի, ամեն օր բացահայտել նորովի: Երեխային թույլ տալ ինքնադրսևորվել, սովորեցնել մտածել, եզրահանգումներ անել, բանավիճել և ստեղծագործել: Ձևավորել երեխայի մոտ ճիշտ արժեհամակարգ:

Դաստիարակությունը կրթության նկատմամբ առավելություն ունի, մարդուն դաստիարակությունն է կերտում: (Անտուան դը Սենտ-Էքզյուպերի):

Գերակտիվ երեխաները կարծես 'էներգիայի կծիկ' լինեն, նրանց դժվար է նստեցնել 45 րոպե անշարժ: Դասաժամի 45 րոպեն չափազանց ձանձրացնում է այդ տեսակի երեխաներին: Այդ դեպքում արագ փոխել է պետք իրավիճակը: Չգացական դաշտի վրա ազդելով՝ արդյունքում կունենանք վարքի մեջ, որն էլ կնպաստի ուշադրության կենտրոնացման:

Օրինակ՝ դասի ժամանակ կարող եմ թույլ տալ, որ կանգնած նկարի, շարժվի, մոտենա գրատախտակին, հարցերիս պատասխանի կամ իմ առաջադրանքի էսքիզը կատարի գրատախտակի վրա: Մոտենա ընկերոջը օգնելու նպատակով:

Կարելի է գերակտիվ երեխային դարձնել ուսուցչի օգնական, որը դասապրոցեսում կօգնի բաժանել օրինակ՝ քարտերը, որտեղ նկարիչների ստեղծագործությունների

վերատպություններ են և առաջինը հենց իրեն հանձնարարել արվեստի տետրում գրել մեկնաբանություն տվյալ նկարչի ստեղծագործության մասին և հանձնարարել տանը արտանկարել տվյալ ստեղծագործությունը:

Չույս ունենալ, որ կարճ ժամանակում աշակերտը կդառնա լսող, հանգիստ ու հավասարակշռված, դժվար է պատկերացնել: Պետք է միշտ կապ պահել ծնողի, հոգեբանի, նյարդաբանի հետ: Մեր իրականության մեջ շատ դժվար է այս կապը պահել: Բայց հնարավորինս պետք է փորձենք ու փոխենք մեր մտածելակերպը:

Ես երեխայի գերակտիվության խնդիրները չեմ քննարկում մյուս ծնողների ներկայությամբ: Խոսում եմ առանձին ծնողի հետ երեխայի բացթողումների և փոքրիկ ձեռքբերումների մասին: Պետք է փոքրիկ քայլերով ներառել երեխային դասապրոցեսի մեջ:



Վերևում պատկերված նկարը հայտնի ռուս նկարիչ Ֆեոդոր Ռեշետնիկովի «Նորից երկուս» կտավն է, որտեղ պատկերված է մի իրավիճակ, որը հաճախ է հանդիպում մեր իրականության մեջ:

Գերակտիվ երեխաներին չի կարելի խիստ պատժել: Նրանց հետ պետք է խոսել հանգիստ, վատ արարքից հետո պետք է անցնի որոշակի ժամանակ, որպեսզի նա հանդարտվի, Էմոցիաները հանգստանան, ապա նոր պետք է պարզաբանել տվյալ արարքը:

Ես ունեմ աշակերտներ, որոնց հետ բարդ է աշխատել: Ամեն մեկը յուրովի գերակտիվ է: Պահանջվում է անհատական տարբերակված մոտեցում: Ես գտնում եմ տարբեր ճանապարհներ այն հարթելու համար:



Օրինակ՝ ունեմ 6-րդ դասարանում սովորող վառվռուն, չարածճի աչքերով մի աշակերտ: Նա չափազանց գերակտիվ երեխա է: Անցյալ ուստարվա առաջին կիսամյակում դժվար դաստիարակվող երեխաների շարքում էր: Առարկայական ուսուցիչները բողոքում էին և մեթոդներ փնտրում, որպեսզի կառավարելի դարձնեն այդ 'Էներգիայի կծիկին': Երկար, տքնաջան աշխատանք էր սպասվում: Կերպարվեստ

առարկան ինքնին տալիս է հնարավորություն շատ մեթոդներ կիրառելու:

Մեր 'Էներգիայի կծիկը' սկզբից չէր կարողանում հանգիստ նստել: Անընդհատ ուզում էր դուրս գալ: Բացատրել նրան, որ չի կարելի այդքան դուրս գալ, ապարդյուն էր: Զանի որ շաբաթական մեկ անգամ էր կերպարվեստի դասաժամը, ես ունեի ժամանակ մեթոդներ մտածելու: Խոսեցի դասղեկի, ծնողի հետ, բայց արդյունքը չէր երևում:



Մի անգամ հերթական դասին պատրաստված մտա ներս՝ձեռքիս յուղամատիտների մի մեծ տուփ:Որոշել էի նրան ավտերնատիվ տարբերակով գերել:Այդ օրը անցնում էինք Սարյանի նատյուրմորտները:

Ձեռքիս տեսնելով գունեղ յուղամատիտները,վազելով մոտեցավ ու ասաց,որ փոքր ժամանակ շատ է սիրել այդ նյութերով նկարել:Ես ուրախացա,այդ օրը սկսեցինք նրա հետ քննարկել,միասին վարել դասը,նրան տվեցի A3 ֆորմատի թուղթ և յուղամատիտները:Նա,տեսնելով մեծ ֆորմատի թուղթը,ավելի ոգևորվեց ու ամբողջ դասն անցավ իր համար հետաքրքիր և արդյունավետ:Երեխաներն ուրախացել էին,որ մեր 'Էներգիայի կծիկը' ներգրավվել է դասին ու չի խանգարում մյուսներին:



Շատ կարևոր է լսել երեխային առանց քննադատելու:Լինել ազկիվ և օգտակար երեխայի համար:Ունենալ հստակ կանոններ և ակնկալիքներ:Աջակցել ,քննարկել,թե ինչպես կարող են խուսափել հետագա բարդություններից:

Ես կազմել եմ գերակտիվ երեխաների համար նախատեսված աշխատանքային պլան:

## 1.ՑՈՒՑԱԴՐԵԼ ԴԱՍԱՐԱՆԻ ԿԱՆՈՆՆԵՐԸ

---

Խոսափել վերացական ակնկալիքներից:  
Տրամադրել տեսողական հիշեցումներ (պլակատ, հիշեցման գունավոր թերթիկներ)  
Ուսուցիչը պետք է օգտագործի կանոնների կամ դասի ակնկալիքների տեսողական և բանալի հիշեցումներ:

## 2. ԱՐՏՈՆՅԱԼ ՆՍՏԱՏԵՂԵՐ

---

Գերակտիվ երեխան պետք է լինի ուսուցչին մոտ և դրական, օրինակելի աշակերտի կողքին, որտեղ ուշադրությունը քիչ է շեղվում:

## 3. ԲԱՆԱԿՈՐ ՀԱՂՈՐԴԱԿՑՈՒԹՅՈՒՆ

---

Երբ խոսում եմ գերակտիվ երեխայի հետ, աշխատում եմ գտնվել նրա կողքին, բռնացնել նրա հայացքը, նստել շատ մոտ, որպես ավագ ընկեր: Միասին կրկնել այն հրահանգները, որոնք տվյալ պահին անհրաժեշտ են:

## 4. ԱՌԱՋԱԴՐԱՆՔՆԵՐԻ ԿԱՏԱՐՈՒՄ

---

Լրացուցիչ ժամանակ տրամադրել առաջադրանքները կատարելու համար: Օգտագործել առաջադրանքների կատարման տարբեր մեթոդներ:

## 5. ԱՌՕՐՅԱ ՌԵԺԻՄՆԵՐ

---

Փորձել պահպանել կանոնները ամենօրյա ռեժիմով: Որոնք խթանելու են երեխայի մեջ ձևավորել նոր արժեքներ: Վերաձևավորել ու վերաստվորեցնել վարքի ակնկալիքները: Ձևավորել լավ սովորություններ:

## 6. ԽՈՌԿՈՒԹՅՈՒՆ

---

Երեխան պետք է կարողանա արտահայտել իր տեսակետը , բայց նաև այն չպիտի խանգարի դասապրոցեսին:Թույլ չտալ խաղալ դասի ժամանակ կամ ստեղծել որևէ վտանգավոր և անպատշաճ իրավիճակ:

## 7.ԴՐԱԿԱՆ ԳՈՎԱՍԱՆՔ

---

Երեխային տալ հնարավորինս շատ դրական իմպուլսներ:Նույնիսկ երբ շատ աննշան է այդ դրականը`պետք է խրախուսել:Երեխայի վարքագիծը կփոխվի ,եթե նա զգում է ,որ ուսուցիչը իրեն ճանաչում է,զգում է,ապրումակցում է:

Կարին Արմենի «Դիմակայունություն և սոցիալական հուզական ուսումնառություն» գրքում շատ լավ երևում է ժամանակակից ուսուցչի կերպարը,որը պետք է լինի ներող,հանդուրժող,խրախուսող,գիտելիք հաղորդող և ուղղորդող :Չգա մանուկի տվյալ դժվարությունը և իհարկե ապրումակցի(Empathy):

Կարողանա ճիշտ պահին պատասխանատու որոշում կայացնի:Բարեկրթորեն հարթի հակասությունները:

## ԵՉՐԱԿԱՑՈՒԹՅՈՒՆ

Իմ հետազոտական աշխատանքի նպատակն էր բացահայտել և գտնել իմ ուսուցման պրոցեսում առկա դժվարությունները, գտնել լուծումներ, մեթոդներ, որոնք բարելավելու են իմ և աշակերտների կարողականությունը և վերջնարդյունքը:

Իմ հետազոտման գերխնդիրն էր համարվում գերակտիվ և բարդ դաստիարակվող երեխաների ներառումը դասապրոցեսում:

Փորձելով և հետազոտելով երեխաների վարքը, գտա բազմաբնույթ լուծումներ՝ բանավոր հաղորդակցում, ապրումակցում, ցանկացած մեթոդի կիրառում, որը սովորեցնում է երեխային ինչպես սովորել: Լսել երեխայի կարծիքը: Ճանաչել և զգալ յուրաքանչյուր երեխայի ներաշխարհը:

«Երբ գիտակցենք երկրի վրա մեր դերը, թեկուզև՝ ամենահամեստն ու աննկատը, միայն այդ դեպքում երջանիկ կլինեն» :

Անտուան դը Սենտ Էքզյուպերի

#### ԳՐԱԿԱՆՈՒԹՅԱՆ ՑԱՆԿ

1. Անտուան դը Սենտ-Էքզյուպերի"Փոքրիկ Իշխանը"Էդիթ Պրինտ 2015թ.  
Յովհաննիսյան Ա.Վ."Դժվար դաստիարակվող երեխաների ինքնահաստատման  
մանկավարժական ուղիները"Վանաձոր 2013թ.
2. Ղ.Աղայանը մանկավարժ,Յայպետիրատ,Երևան 1941թ.  
Կարին Արմեն "Դիմակայունություն և սոցիալական հուզական  
ուսումնառություն"2022թ.
3. Василькова Ю.В. Социальная педагогика,2008г.